

Buna sira! Buna sira, me cari siuri. A suma turna chi, a dei in gir per la 59^a vota a sta "Divota Cumedìa". U smeia ieri, anveci da l'an pasà u j'è sa pasà in ani, quasi quasi ist'ani as gavuma monc i custüm, acsei a suma sa pront per el prosim; pò avstì acsei a duma monc tant antl'ogg, cun la moda cu j'è ades, a puduma semper di ca suma vesti "casual".

Toncc ani fà, quondi ch'iera in fanciòt, an sla pagela u j'era la vus "Igiene e cura della persona", el meister um uardava a drera gl'iurigi, el uardava agl'iongì, e po' um dava el vut: buono - lodevole - sufficiente. Adès us po' pù fè, su succedeisa n'afari acsei, el Consiglio di circolo di genitur, u denunciarreisa fina el minister, "Intromissione in atti privati della famiglia".

Adès per la puliseia persunal ui pensa la reclam a la television. L'ha cmensà da la testa: "lozione antiforfora" per nent fè caschè i cavì, dentifrici ch'it fon avnì el margheriti an buca, spray che "non ti piantano in asso": da la testa i son pasà an ti pé, pumadi chit fon avnì di pé cme cui d'in fanciòt, sottopiedi prufüma a la lavanda, a la rosa, us pò stè quendes di senza fè na docia. Adès i fon l'ufensiva a u centro del corp, na manovra a tenaglia. Di quintal ad pannolini per tücc, per el masnà, per la mezza età, per la terza età, cit-gros, j'assorbu anche l'aluvion del Pole-sine, el cambi us fà pu veloce d'in trenu ad gumi an formula uno. E la carta igienica, la carta igienica u s'amsüra pù a meter, ma al pion d'na cà; u j'è del marchi chi rivu fina al 10° piano; certo che chi cu sta all'11° o al 12° l'è na bela groina! duvei andè tüt el voti sü da la purtie-ra! U j'è la marca con i balunén c'la va sü-sü, fina an ciel, fin da j'ongel; mei a j'ò mai savì che anche j'ongel j'eisu d'ambso gn d'la morbidezza.

Eh! la me cara gent, us sa pù cme fè a parlè, i son tücc fén, tücc i stüdiu, a suma entrà an tl'era dla spicanalisi; la spicanalisi pret-a-porter, i la stüdiu a scola, i la lesu an si giornal. Ades quondi che el mari i von al colloquio dai profesur, e so fiò ui taca poc, ti'a senti rispondi "Me fiò l'ha di prublema, u j'è nasi la surela, l'è entrà an t'la crisi d'identità". La stèsa mari anveci s'la parla an t'in negosi, la dis pù che so fiò l'è in asu, ma cl'è nent ruscì "a instaurare un rapporto utile cun i profesur". Ades jën ch'el grata, ch'el masa, us po pù di cl'è in delinquent, absogna prima vighi cl'aba nent avì n'infanzia repressa, cl'aba nent avì del frustrasion. Se na ditta ad medzeini l'aventeisa na pürga per l'inconscio, l'ha farreisa i sold a palà.

Ui sta avnenda ad moda, per i noster omi d'la pulitica, per u sindacato, ad travaiè ad nocc; us lès: "A tarda notte il sottosegretario ha convocato

le parti” “La riunione fra sindacati e padronato continua nella notte, l’andrà avanti fino all’alba”. A j’ò pòura che minister e sindacalisti j’abu la pression basa, i c’mensu a funsiunè anver sira. U sarà meia che andè a drumì all’alba, dop avei travajà tüt la noce, el fà fèn, el fà intellettual. Sviges all’alba e travaie tüt u di anveci el fà coltivatore diretto. Acsei jèn cl’aba d’ambsgon d’piè u trenu a la mateina, jèn cl’aba da mandè so fiò a scola, cl’aba da fè na visita a l’uspidal, per savei se u sciopero “è stato revocato”, absogna cu staga an pé tüt la noce, a senti “Notturmo dall’Italia”.

I sindacati i duvrisu avnimi an contra; i devu bitè i asterischi, c’me chi fon per i film - 3 asterischi, u j’è ansèn sont cu tena: “irrevocabile” - 2 asterischi: “u s’anteresa el minister - In asterisco sul: “revocato all’alba”.

An Italia as lamentuma cui nas pu meia ad masnà, avnuma semper pü vegg. Ammac cuc ani fà, per pudei piase in fanciòt a l’asilu u j’andava la racumandasion del paruc o dl’asesur a la publica istrusion; ades anveci na cubia cl’aba avì, cme cus dis, u lieto evento, ij telefonu sa a l’uspidal; “A son u direttur d’la scola materna, so fiò cu l’iscriva da noi, a juma del meistri cun na pasiensa” “Ma s’el peia ancora u lac” “Cus preoccupa nent, ai pensuma noi”. S’anduma avanti acsei i prenotu sa el doni.

Fra cuc ani a suma an tel pastis. C’me c’us fà a trasformè in asilu an t’in geriatric, c’me c’us fà a bitè an tin’aula, in bonc e 24 catedri (tüc i stüdiu da profesur). E el ditti chi fon i omogeinizati? C’me chi fon a trasformè il pollo per il quarto mese ant’in pulaster a la caciadura per 35/enni, vitello per il sesto mese an card a la bagna couda per 50/enni. Anche l’omi ch’el fava el gadòn e u diva “A stag cun me muiè ammac perchè u j’è i me fiò” u dirrà “A stag cun me muiè, perchè u j’è me siù”. Pertini, quondi ch’el va an visita, u truvarrà ammac di pensiunà cun el bandiereini an mon.

I sindacati di profesur, per difendi l’ocupasion i vurron la scola dell’obbligo fina a 30 ani. I poc scular armàst, ij büterron an t’la stonsa del bidello, acsei gl’iauli i sarron destinaì stabilment a seggi per gli’elesion anticipaii.

No! Preocupev nent, u sarà mai acsei! Ui pensarrà la pubblicità; quondi che i s’antaiarron che in giuvu el cunsüma pü d’jèn vegg j tacherron na campagna a tappeto. “Posto gratis in tribuna, ai campinà del mond ad balon, ai papà di prüm 100 fanciòt nasì an t’el meis”. J’automobil i surtarron cun la chëina ancurpuraia, senza - l’è in opzional, 300 mila an pü. El doni i pudron stè a cà da travajè 12 meis prima del concepimento. A carosello i dirron “Bella con un figlio, bellissima con due; a Canale Cinque - Italia Uno, chi son pu sladinà: “Fecondin”! anche parti gemelari, leggere attentamente le avvertenze”.

Adès quondi che doi i sa spusu, l'è avni ad moda u regal decis da chi cui ricevarrà. "Rossi Mario e Bianchi Maria oggi sposi, u regal il pori sercheli an tu negozi "ix" in via ipsilon zeta". Jën us precipita, ma c'me cu riva, da 100 mila u j'è ammac pü in cügiar da risòt, u j'è armas cuc-cosa tra el 200 o 300 mila liri; per forsa! i dunatur ad serie C, chi son la magiurona, is son precipità, prima ancora ad ricevi l'annuncio, apeina ch'ion savì cu j'era la lista an tu negozi.

Però i son abastonsa comprensiv, jën el pò cunsursiesi: l'è armasta libera na quota ad 200 mila liri per u stereo, us po entrè an cuperativa, acsei jën us trova asiunista d'in matrimoni. Ist listi "erga-omnes" im smeju l'abunament a la Radiotelevision; "Fra tutti coloro che si metteranno in regola entro il 15, sarà sorteggiato un televisore". Eh! i son pasà i temp che i spus i drubivu i scatulòn per avei la surprisa du regal, adès i spontu la lista, vus per vus. Praticità per praticità, perchè im ricambiu cun el bumbuneri? A na juma an tuc i casèt; ch'im dagu di buoni-benzina. A dventuma tücc clasificà: dunatur da 100 mila liri, da 200 e oltre el 300 mila. A caval donato, ormai, l'è dventà ad moda uardei an buca.

Eh! la me cara gent! adès a dév ricurdè du persoini, che a noi dl'Asuciasion, a me an particular, im son staci trop cari: el cumendatur Arnoldi - l'è anventà lü el persunagi ad Gilindu - l'è stac lü cu m'è dacc la so mon sicura da alpèn e acsichì ansüma u m'è mustrà a bugiemi, a di el prüm paroli, da suldà d'Erode, fina a rivè a fè u so persunagi: Gilindu.

L'ater ricord l'è per P. Arcangelo: cun el so racumandasiòn, cun u so esempi, u m'è mustrà c'me c'us fà a stè al sel palch-senich d'la vita. Noi ai smentiarruma mai, speruma ammac, a dig nent ad rivè a la lur autèsa, per noi, per me an particular (pover uataròn) l'è trop difìcil, ma ammac ad smiei an poc.

Se a la fen du spettacul i disì "Is'aterlei ul fa abastonsa ben!, ricurdevi che el merit principal l'è del cumendatur Arnoldi, la meia l'è stacia ammac n'imitasiòn. Adès l'è mei andè avonti.. av presént la me famija...